

## **Memorandwm Esboniadol i Reoliadau Bwyd a Diod (Darpariaethau Trosiannol) (Cymru) (Ymadael â'r UE) 2021**

Paratowyd y Memorandwm Esboniadol hwn gan yr Asiantaeth Safonau Bwyd (ASB) a chaiff ei osod gerbron Senedd Cymru ar y cyd â'r is-ddeddfwriaeth uchod ac yn unol â Rheol Sefydlog 27.1.

### **Datganiad y Dirprwy Weinidog**

Yn fy marn i, mae'r Memorandwm Esboniadol hwn yn rhoi darlun teg a rhesymol o effaith ddisgwyliedig Rheoliadau Bwyd a Diod (Darpariaethau Trosiannol) (Cymru) (Ymadael â'r UE) 2021.

Rwyf wedi gwneud y datganiadau sy'n ofynnol gan Ddeddf yr Undeb Ewropeaidd (Ymadael) 2018. Gellir gweld y datganiadau hyn yn Rhan 2 o'r Atodiad i'r Memorandwm hwn.

**Lynne Neagle AS**  
**Y Dirprwy Weinidog Iechyd Meddwl a Llesiant**

**29 Mehefin 2021**

## **RHAN 1**

### **1. Disgrifiad**

- 1.1. Mae Rheoliadau Bwyd a Diod (Darpariaethau Trosiannol) (Cymru) (Ymadael â'r UE) 2021 ("yr offeryn hwn") yn diwygio Rheoliadau Gwybodaeth am Fwyd (Cymru) 2014 a Rheoliadau Gwlad Tarddiad Cigoedd Penodol (Cymru) 2015. Mae angen y diwygiadau hyn i fynd i'r afael â diffygion sy'n deillio o Ymadael â'r Undeb Ewropeaidd (UE) a sicrhau y gall y llyfr statud weithredu'n effeithiol ar ôl i'r Deyrnas Unedig (DU) ymadael â'r UE.
- 1.2. Caiff y dyddiad y daw'r offeryn hwn i rym ei gadarnhau unwaith y bydd y broses graffu y bydd yn ei dilyn yn cael ei phenderfynu, gan ddwyn i ystyriaeth argymhellion y pwyllgor sifftio.

### **2. Materion o ddiddordeb arbennig i'r Pwyllgor Materion Cyfansoddiadol a Deddfwriaethol**

- 2.1 Gwneir yr offeryn hwn gan ddefnyddio'r pwerau a roddir gan baragraff 1(1) o Atodlen 2 a pharagraff 21 o Atodlen 7 i Ddeddf yr Undeb Ewropeaidd (Ymadael) 2018 ("Deddf 2018").
- 2.4 Fel y nodir yn y Datganiadau Gweinidogol yn Rhan 2 o'r Atodiad i'r Memorandwm Esboniadol hwn, cynigir bod yr offeryn yn ddarostyngedig i'r weithdrefn negyddol.
- 2.5 Mae'r Offeryn yn gwneud darpariaethau trosiannol yn unig, felly ystyrir ei bod yn briodol gwneud yr Offeryn hwn yn destun dirymiad yn unol â phenderfyniad gan Senedd Cymru.

### **3. Y cefndir deddfwriaethol**

- 3.1 Caiff yr offeryn hwn ei lunio gan ddefnyddio'r pŵer yn Rhan 1 o Atodlen 2 i Ddeddf 2018 er mwyn mynd i'r afael â methiannau yng nghyfraith yr UE a ddargedwir (*retained EU law*) i weithredu'n effeithiol, neu ddiffygion eraill sy'n deillio o ymadawiad y DU â'r UE. Gwneir yr offeryn hefyd o dan baragraff 21 o Atodlen 7 i Ddeddf 2018 sy'n darparu bod unrhyw bŵer i wneud rheoliadau o dan Ddeddf 2018 yn cynnwys pŵer i wneud darpariaeth atodol, achlysurol, ganlyniadol, drosiannol, dros dro neu arbed. Yn unol â gofynion y Ddeddf honno, mae'r Dirprwy Weinidog wedi gwneud y datganiadau perthnasol fel y manylir yn Rhan 2 o'r Atodiad i'r Memorandwm Esboniadol hwn.

### **4. Pwrpas y ddeddfwriaeth a'i heffaith fwriadedig**

***Beth oedd unrhyw gyfraith berthnasol yn yr UE yn ei chyflawni cyn Diwrnod Cwblhau'r Cyfnod Gweithredu?***

## **Rheoliadau Gwybodaeth am Fwyd (Cymru) 2014**

Mae'r Rheoliadau hyn, mewn perthynas â Chymru, yn darparu ar gyfer gweithredu a gorfodi rhai o ddarpariaethau Rheoliad (UE) Rhif 1169/2011 Senedd Ewrop a'r Cyngor Ewropeaidd ar 25 Hydref 2011 ynghylch darparu gwybodaeth am fwyd i ddefnyddwyr, gan ddiwygio Rheoliad (EC) Rhif 1924/2006 a (EC) Rhif 1925/2006 Senedd Ewrop a'r Cyngor Ewropeaidd, a diddymu Cyfarwyddeb 87/250/EEC y Comisiwn Ewropeaidd, Cyfarwyddeb 90/496/EEC y Cyngor Ewropeaidd, Cyfarwyddeb 1999/10/EC y Comisiwn Ewropeaidd, Cyfarwyddeb 2000/13/EC Senedd Ewrop a'r Cyngor Ewropeaidd, Cyfarwyddebau 2002/67/EC a 2008/5/EC a Rheoliad (ECCE) Rhif 608/2004 y Comisiwn Ewropeaidd.

Daeth Rheoliad (UE) Rhif 1169/2011 â rheolau'r UE ar labelu cyffredinol a labelu maeth ynghyd mewn un Rheoliad i symleiddio a chydgrynhoi deddfwriaeth labelu gyfredol, ac mae'n nodi'r gofynion ar gyfer labelu, hysbysebu a chyflwyno bwydydd.

## **Rheoliadau Gwlad Tarddiad Cigoedd Penodol (Cymru) 2015**

Mae'r Rheoliadau hyn, mewn perthynas â Chymru, yn darparu ar gyfer gweithredu a gorfodi Rheoliad Gweithredu (UE) Rhif 1337/2013, sy'n gosod y rheolau ar gyfer cymhwyso Rheoliad (UE) Rhif 1169/2011 Senedd Ewrop a'r Cyngor Ewropeaidd o ran nodi gwlad neu fan tarddiad cig ffres, cig oer a chig wedi'i rewi o foch, defaid, geifr a dofednod.

### ***Pam ei fod yn cael ei newid?***

Mae'r newidiadau a wneir gan yr Offeryn hwn yn angenrheidiol i sicrhau bod y ddeddfwriaeth ddomestig sy'n gorfodi cyfraith yr UE a ddargedwir yn parhau i weithredu'n effeithiol ar ôl i'r DU ymadael â'r UE ac i ychwanegu cyfnod addasu trosiannol ar gyfer newidiadau penodol a fydd yn dod i ben ar 30 Medi 2022.

Mae'r newidiadau penodol sy'n cael eu cynnig i'r Rheoliadau y manylir arnynt yn 1.1 uchod fel hyn:

### ***Beth fydd y Rheoliadau yn ei gyflawni nawr?***

## **Rheoliadau Gwybodaeth am Fwyd (Cymru) 2014**

- Mewnosod darpariaeth drosiannol 21 mis yn y ddeddfwriaeth, gan sicrhau bod rhaid i swyddog awdurdodedig beidio â chyflwyno hysbysiad gwella mewn perthynas â diffyg cydymffurfio â newidiadau labelu os cafodd y cynnyrch ei roi ar y farchnad ar neu cyn 30 Medi 2022.

## **Rheoliadau Gwlad Tarddiad Cigoedd Penodol (Cymru) 2015**

- Mewnosod darpariaeth drosiannol 21 mis yn y ddeddfwriaeth, gan sicrhau bod rhaid i swyddog awdurdodedig beidio â chyflwyno hysbysiad gwella

mewn perthynas â diffyg cydymffurfio â newidiadau labelu os cafodd y cynnyrch ei roi ar y farchnad ar neu cyn 30 Medi 2022.

## **5. Ymgynghoriad**

Mae'r ASB ac Adran yr Amgylchedd, Bwyd a Materion Gwledig (Defra) wedi cynnal sawl ymgynghoriad dros yr ychydig flynyddoedd diwethaf mewn perthynas â newidiadau arfaethedig i gyfreithiau o ganlyniad i ymadael â'r UE. Mae'r diwydiant ac awdurdodau lleol yng Nghymru yn ymwybodol o'r cynigion hyn ac yn eu cefnogi. Mae'r cysyniad o gyfnod addasu trosiannol sy'n dod i ben ar 30 Medi 2022 eisoes yn y bau gyhoeddus.

## **6. Asesiad Effaith Rheoleiddiol**

- 6.1 Ni pharatowyd Asesiad Effaith ar gyfer yr offeryn hwn gan mai ei bwrpas yw cynnal gweithredadwyedd y cyfundrefnau presennol. Ni ragwelir unrhyw effaith sylweddol ar y sectorau preifat, gwirfoddol na chyhoeddus o ganlyniad i'r Rheoliadau hyn.
- 6.2 Nid yw'r ddeddfwriaeth hon yn cael unrhyw effaith ar y dyletswyddau statudol (adrannau 77-79 o Ddeddf Llywodraeth Cymru 2006) na phartneriaid statudol (adrannau 72-75 o Ddeddf Llywodraeth Cymru 2006).

# Atodiad 1

## Datganiadau o dan Ddeddf yr Undeb Ewropeaidd (Ymadael) 2018

### Rhan 1

#### Tabl o Ddatganiadau o dan Ddeddf 2018

Mae'r tabl hwn yn nodi'r datganiadau a allai fod yn ofynnol gan Weinidogion Cymru o dan Ddeddf 2018. Mae'r tabl hefyd yn nodi'r datganiadau hynny a allai fod yn ofynnol gan Weinidogion y Goron o dan Ddeddf 2018, y mae Gweinidogion Cymru wedi ymrwymo i'w darparu hefyd pan fo angen. Gellir gweld y datganiadau gofynnol yn Rhan 2 o'r atodiad hwn.

Datganiad	Ym mha le y nodir y gofyniad	I bwy y mae'n berthnasol	Yr hyn sy'n ofynnol ganddo
Sifftio	Paragraffau 3(7) a 4(3), Atodlen 7  Rheol Sefydlog 27.1A	Gweinidogion Cymru sy'n arfer pwerau yn Rhan 1 o Atodlen 2 i wneud Offeryn Statudol Negyddol  Mae paragraff 3(7) yn berthnasol i Weinidogion y Goron, ond mae Gweinidogion Cymru wedi ymrwymo i wneud yr un datganiad	Datganiad i egluro pam y dylai'r offeryn fod yn ddarostyngedig i'r weithdrefn negyddol ac, os yw'n berthnasol, pam eu bod yn anghytuno ag argymhelliad y Pwyllgor Deddfwriaeth, Cyfiawnder a'r Cyfansoddiad (LJC) (fel pwyllgor sifftio)
Priodoldeb	Is-baragraff (2) o baragraff 28, Atodlen 7	Yn berthnasol i Weinidogion y Goron sy'n arfer pwerau yn adrannau 8(1), 9 a 23(1) neu sy'n arfer pwerau ar y cyd yn Atodlen 2. Mae Gweinidogion Cymru wedi ymrwymo i wneud yr un datganiad wrth arfer pwerau yn Atodlen 2	Datganiad yn nodi nad yw'r Offeryn Statudol yn gwneud mwy nag sy'n briodol.
Rhesymau Da	Is-baragraff (3) o baragraff 28, Atodlen 7	Yn berthnasol i Weinidogion y Goron sy'n arfer pwerau yn adrannau 8(1), 9 a 23(1) neu sy'n arfer	Datganiad i egluro'r rhesymau da dros lunio'r offeryn a bod yr hyn sy'n cael ei wneud yn ffordd resymol o weithredu.

		pwerau ar y cyd yn Atodlen 2. Mae Gweinidogion Cymru wedi ymrwymo i wneud yr un datganiad wrth arfer pwerau yn Atodlen 2	
Cydraddoldeb	Is-baragraffau (4) a (5) o baragraff 28, Atodlen 7	Yn berthnasol i Weinidogion y Goron sy'n arfer pwerau yn adrannau 8(1), 9 a 23(1) neu sy'n arfer pwerau ar y cyd yn Atodlen 2. Mae Gweinidogion Cymru wedi ymrwymo i wneud yr un datganiad wrth arfer pwerau yn Atodlen 2	Datganiad i egluro pa ddiwygiadau, diddymiadau neu ddirymiadau, os o gwbl, sy'n cael eu gwneud i Ddeddfau Cydraddoldeb 2006 a 2010, ac i ddeddfwriaeth a luniwyd oddi tanynt.  Datganiad yn nodi bod y Gweinidog wedi rhoi sylw dyledus i'r angen i ddileu gwahaniaethu ac ymddygiad arall a waherddir o dan Ddeddf Cydraddoldeb 2010.
Esboniadau	Is-baragraff (6) o baragraff 28, Atodlen 77	Yn berthnasol i Weinidogion y Goron sy'n arfer pwerau yn adrannau 8(1), 9 a 23(1) neu sy'n arfer pwerau ar y cyd yn Atodlen 2. Mae Gweinidogion Cymru wedi ymrwymo i wneud yr un datganiad wrth arfer pwerau yn Atodlen 2	Datganiad i egluro'r offeryn, nodi'r gyfraith berthnasol cyn y diwrnod ymadael, egluro effaith yr offeryn ar gyfraith yr UE a ddargedwir a rhoi gwybodaeth am bwrpas yr offeryn, er enghraifft p'un a fwriedir mân newidiadau neu newidiadau technegol yn unig i gyfraith yr UE a ddargedwir.
Troseddau	Is-baragraffau (3) a (7) o baragraff 28, Atodlen 7	Yn berthnasol i Weinidogion y Goron sy'n arfer pwerau yn adrannau 8(1), 9 a 23(1) neu sy'n arfer pwerau ar y cyd yn Atodlen 2. Mae Gweinidogion Cymru wedi ymrwymo i wneud yr un datganiad wrth arfer pwerau yn Atodlen 2	Datganiad yn nodi'r 'rhesymau da' dros greu trosedd, a'r gosb sydd ynghlwm wrthi.
Is-ddirprwyo	Paragraff 30, Atodlen 7	Yn berthnasol i Weinidogion y Goron sy'n arfer pwerau yn adrannau 18(1), 9 a	Datganiad i egluro pam ei bod yn briodol creu pŵer is-ddirprwyedig o'r fath.

		<p>pharagraff 1 o Atodlen 4 i greu pŵer deddfwriaethol na all Gweinidog y Goron nac Awdurdod Datganoledig ei arfer.</p> <p>Mae Gweinidogion Cymru wedi ymrwymo i wneud yr un datganiad wrth arfer pwerau yn Atodlen 2 neu baragraff 1 o Atodlen 4 i greu pŵer deddfwriaethol na all Gweinidog y Goron nac Awdurdod Datganoledig ei arfer</p>	
Brys	Is-baragraff (2) ac (8) o baragraff 7, Atodlen 7	Gweinidogion Cymru sy'n arfer pwerau yn Rhan 1 o Atodlen 2 ond gan ddefnyddio'r weithdrefn frys ym mharagraff 7 o Atodlen 7	Datganiad yn nodi bod Gweinidogion Cymru o'r farn bod angen llunio'r Offeryn Statudol gan ddefnyddio'r weithdrefn frys a'r rhesymau dros y farn honno.

## Rhan 2

Datganiadau sy'n ofynnol wrth ddefnyddio pwerau galluogi o dan Ddeddf 2018 yr Undeb Ewropeaidd (Ymadael)

### 1. Datganiad(au) sifftio

Mae'r Dirprwy Weinidog Iechyd Meddwl a Llesiant wedi gwneud y datganiad canlynol ynghylch defnyddio pwerau deddfwriaethol yn Neddf yr Undeb Ewropeaidd (Ymadael) 2018:

“Yn fy marn i, dylai Rheoliadau Bwyd a Diod (Darpariaethau Trosiannol) (Cymru) (Ymadael â'r UE) 2021 fod yn destun dirymiad yn unol â phenderfyniad gan Senedd Cymru (hynny yw, y weithdrefn negyddol).”

Nid oes unrhyw newid i bolisi.

### 2. Datganiad priodoldeb

Mae'r Dirprwy Weinidog Iechyd Meddwl a Llesiant wedi gwneud y datganiad canlynol ynghylch defnyddio pwerau deddfwriaethol yn Neddf yr Undeb Ewropeaidd (Ymadael) 2018:

“Yn fy marn i, nid yw Rheoliadau Bwyd a Diod (Darpariaethau Trosiannol) (Cymru) (Ymadael â'r UE) 2021 yn gwneud mwy nag sy'n briodol.”

Mae hyn yn wir am y gwneir yr holl newidiadau yn unswydd er mwyn cynnal effeithiolrwydd gweithredol ar ôl ymadael â'r UE. Nid oes unrhyw newid i bolisi.

### 3. Rhesymau da

Mae'r Dirprwy Weinidog Iechyd Meddwl a Llesiant wedi gwneud y datganiad canlynol ynghylch defnyddio pwerau deddfwriaethol yn Neddf yr Undeb Ewropeaidd (Ymadael) 2018:

“Yn fy marn i mae rhesymau da dros y darpariaethau yn yr offeryn hwn, ac rwyf wedi dod i'r casgliad eu bod nhw'n ffordd resymol o weithredu.”

Sef y byddai methu â gwneud y ddeddfwriaeth hon yn peri bod deddfwriaeth Gymreig sy'n ymwneud â hylendid a diogelwch bwyd, safonau ynghylch cyfansoddiad a labelu bwyd a hadau yn methu â gweithredu'n effeithiol ar ôl i'r DU ymadael â'r UE.

### 4. Cydraddoldebau

Mae'r Dirprwy Weinidog Iechyd Meddwl a Llesiant wedi gwneud y datganiad canlynol:



“Nid yw'r Offeryn yn diwygio, yn diddymu nac yn dirymu darpariaeth neu ddarpariaethau yn Neddf Cydraddoldeb 2006, na Deddf Cydraddoldeb 2010 nac is-ddeddfwriaeth a wneir o dan y Deddfau hynny.”

Mae'r Dirprwy Weinidog Iechyd Meddwl a Llesiant wedi gwneud y datganiad canlynol ynghylch defnyddio pwerau deddfwriaethol yn Neddf yr Undeb Ewropeaidd (Ymadael) 2018:

“Mewn perthynas â'r offeryn, rwyf i, Lynne Neagle, y Dirprwy Weinidog Iechyd Meddwl a Llesiant, wedi rhoi sylw dyledus i'r angen i ddileu gwahaniaethu, aflonyddu, erledigaeth ac unrhyw ymddygiad arall a waherddir gan neu o dan Ddeddf Cydraddoldeb 2010.”

## **5. Esboniadau**

Gwnaed y datganiad esboniadau ym mharagraff 4 (Pwrpas ac effaith fwriadedig y ddeddfwriaeth) ym mhrif gorff y memorandwm esboniadol hwn.

## **6. Troseddau**

Ddim yn berthnasol/ddim yn ofynnol.

## **7. Is-ddirprwyo deddfwriaethol**

Ddim yn berthnasol/ddim yn ofynnol.

## **8. Brys**

Ddim yn berthnasol/ddim yn ofynnol.